

ყოველკვირეული დაიჯესტი
ტერორიზმსა და ძალადობრივ
ექსტრემიზმში

24 – 30 აპრილი, 2023

კონტრტერორისტული სპეცოპერაცია ანკარაში

თურქეთის სპეცსამსახურებმა ანკარაში ჩატარებული სპეცოპერაციის შედეგად უცხო ქვეყნის 9 მოქალაქე დააკავეს. გავრცელებული ინფორმაციით, დაკავებულები ტერორისტული ორგანიზაცია დაეშის წევრები არიან.

27.04.2023

რასიმ აკიოლის დაკავება

თურქეთის ეროვნული სადაზვერვო ორგანიზაცია ავრცელებს ინფორმაციას, ჩატარებული ოპერაციის ფარგლებში ტერორისტული ორგანიზაცია ქურთების მუშათა პარტიის წევრი, რასიმ აკიოლის დაკავების შესახებ. 2018 წელს თურქეთის სასამართლომ აკიოლის 15-წლიანი პატიმრობა დაუსწრებლად შეუფარდა.

27.04.2023

კონტრტერორისტული სპეცოპერაცია ქირქუქში

ერაყის შინაგან საქმეთა სამინისტრო ინფორმაციას ავრცელებს ქირქუქში ფედერალური სადაზვერვო-საგამოძიებო სააგენტოს მიერ ჩატარებული სპეცოპერაციის შედეგად 8 ტერორისტის დაკავების შესახებ. შინაგან საქმეთა სამინისტროს განმარტებით, აღნიშნული პირები ტერორისტული ორგანიზაცია „დაეშის“ წევრები არიან.

28.04.2023

აიათოლა სულეიმანის მკვლელობა ბაბოლსარში

ბელის ბანკის ბაბოლსარის ფილიალზე განხორციელებული თავდასხმის დროს, დაიღუპა ირანელი შიიტი სასულიერო პირი და ექსპერტთა ასამბლეის წევრი, აიათოლა აბბასალი სოლეიმანი. ბაბოლსარის გუბერნატორის განმარტებით, თავდამსხმელი ბანკის უსაფრთხოების თანამშრომელია. მომხდართან დაკავშირებით მიმდინარეობს საგამოძიებო სამუშაოები, მოტივის დადგენის მიზნით.

28.04.2023

ტერორისტული თავდასხმა დასავლეთ სანაპიროზე

ისრაელის თავდაცვის ძალებმა დასავლეთ სანაპიროზე ტერორისტული თავდასხმა აღკვეთეს. პალესტინის უსაფრთხოების სამსახურის თანამშრომელი, 39 წლის აჰმედ ტალა, მანქანით ტერორისტული თავდასხმის განხორციელების მცდელობის შემდეგ, ისრაელის უსაფრთხოების ოფიცერზე ცივი იარაღით თავდასხმის დროს დაიღუპა.

28.04.2023

კონტრტერორისტული სპეცოპერაცია მაროკოში

მაროკოს სპეციალური სამსახურების მიერ 10 ქალაქში ჩატარებული კონტრტერორისტული სპეცოპერაციის ფარგლებში, უსაფრთხოების სამსახურებმა ტერორისტულ ორგანიზაცია დაეშთან დაკავშირებული 13 ადამიანი დააკავეს.

29.04.2023

ტერორისტული თავდასხმა სან-სანის მაგისტრალზე

ტერორისტული ორგანიზაცია „დაეშის“ დასავლეთ აფრიკის პროვინციის (ISWAP) მებრძოლების მიერ ბორნოს შტატში, სან-სანის მაგისტრალზე, ხელნაკეთი ასაფეთქებელი მოწყობილობის აფეთქებას 3 უსაფრთხოების ოფიცრის სიცოცხლე ემსხვერპლა. ნიგერიის უსაფრთხოების სამსახური ადასტურებს ინფორმაციას აღნიშნული თავდასხმის შედეგად, ტერორისტების მიერ იარაღის მოპოვებასთან დაკავშირებით.

29.04.2023

ტერორისტული თავდასხმა ბენუეს შტატში

აპას რეგიონზე ტერორისტული ორგანიზაცია ბოკო ჰარამის მიერ განხორციელებული თავდასხმის შედეგად 15 ადამიანი გარდაიცვალა. ბენუეს შტატის წარმომადგენლის, დევიდ ოლოფუს განმარტებით, 2023 წლის მარტსა და აპრილში, აღნიშნული ორგანიზაციის მებრძოლებმა ბენუეს შტატის სოფლებზე თავდასხმები გაახშირა.

29.04.2024

ტერორისტული თავდასხმა ბელუჯისტანში

ბელუჯისტანის საპატრულო სამსახურის წარმომადგენელმა, ფაჰად ხოსამ, დაადასტურა ინფორმაცია, იალავანის სამედიცინო კოლეჯის მაგისტრალზე მომხდარი აფეთქების შედეგად პაკისტანის კონტრტერორისტული სამსახურის მაღალი რანგის წარმომადგენლის, შარბატ ხან უმრანის გარდაცვალების შესახებ.

30.04.2023